

惡心惡意惡病惡念如是等惡若能遠離即得增長住於善根善根善思智慧方便以是因緣是名遠離善男子真人童子住煩惱城自觀其身如病如瘡如惡毒箭入其身體如是身體是大苦聚善惡根本以是因緣瞻視於身非為貪身若將養身是餓鬼身是地獄身是生死身善男子譬如猛火燒焚枯木亦如芭蕉達於霜電如電石光如炎如化善男子真人童子住煩惱城觀身具相亦復如是若能遠離生死之身住於海空一乘寶藏即得具足七十二相八十一好微妙之身成就功德為法輪王常當護身何以故若不護身命則不全命若不全則不能得書寫是經受持讀誦廣說義味是故應當護持身命以是義故真人童子遠離諸惡護持身命善男子譬如眾生欲度海水善護船舫得到彼岸真人童子亦復如是爾時海空與諸天人天仙童子聞是語已心大踴躍受持諦聽得其義味俱起作禮各還本國奉辭而退
太上一乘海空智藏經卷之六

太上一乘海空智藏經卷之七

月七

平等品

爾時海空智藏白天尊言是我今日以知小見若諸真人无量童子行道心時修慈悲喜得真法地修捨心時修智慧時行此功德无量劫中復得何法真人童子行此功德能如是知得何等利天尊今者如是之說秘要言語若不取著則不知法則是取著若不取著則无所知云何天尊說言如法而不取著我今眾中不識宗本不了空相不了一切唯願天尊降垂辯釋爾時天尊答海空智藏言善男子汝善知時知我欲說汝則諮問真人童子修捨心時修智慧時則得充為常住安樂住於真空平等法地不可思議微妙之處如无上道難可譬喻猶如大海如彼虛空善男子真人童子住空平等難勝之地則不見有父母兄弟親族知識姊妹兒息怨憎中人譬如虛空无有父母兄弟乃至无有眾生壽命一切諸法亦復如是其心平等多所利益如彼虛空何以故為行

功德善能修集諸空法故是內法空常樂我淨得无所畏是內法中雖有道性而是道性非外非內非无非有等无二正所以者何真性常住无變易故是名真人是名童子觀於內空內法空故觀一切法本性皆空无常苦樂淨不淨者是名法空以法空故故名空空善男子十方真人一切童子常於是中通達少分猶如微塵何況餘人善男子真人童子觀是空門是空非空則得住於虛空法地善男子我今於大眾中說如是等諸空義時有百千萬真人童子即得住於虛空法地善男子真人童子住是地已於一切法中无有障礙繫縛拘執心无迷悶常得自在清淨解脫以是因緣是名虛空清淨法地善男子海空智藏譬如虛空於可愛色不生貪著不愛色中不生瞋恚真人童子住是地中亦復如是於一切法中示見知行若是若是因緣若果非緣若因若果若是根性若果稍思若是大乘若善知識若持淨戒若多所施如是等法一切知見无上解脫甚深所行智慧第一見

諸衆生行諸非法必墮地獄无量苦惱如諸衆生從地獄出生於人中若能行施乃至具足是諸所施是人必得入正解脫是名為知海空智藏真人童子復有亦見亦知云何爲見見常无常見淨不淨見我无我知諸神尊定不畢竟入於生死知神尊身金剛不壞非是煩惱所成就身又非臭穢腐敗之身亦復能知一切衆生悉有道性善男子知是衆生心信成就知是衆生求於大乘是人從流此人非流是人正住知是生時已到彼岸住於大乘得法深味得法守本得正解脫修梵行心以淨天眼見諸衆生造身口意姦淫盜取三業不善墮於地獄畜生餓鬼塗炭難忍風刀往還見諸衆生修善業行勇猛精進命中當生天上人中見諸衆生從閻入閻昏塞迷悶有諸衆生從閻入明體識知見有諸衆生從明入闇捨真入偽有諸衆生從明入明善男子若惡業成就或因貪欲瞋恚愚癡是業必應地獄受報如是之人直以修戒行此事時不墮地獄懺悔發露所有諸惡既悔之後

更不敢作慙愧成就故以一心供養三寶以是因緣不墮地獄罪交報者所謂頭痛腹痛目痛背痛撞羅瓦殃呵責罵辱鞭杖閉擊鐵餅困苦所求不能所作不成種種愁惱非是一端受如是等无量苦惱見在交報真人童子金光童子乃見是人不知因緣不能懺悔不自思惟不自呵責不生慙愧无有怖懼是罪增長地獄受報解脫何期長夜冥冥辛苦還往見諸衆生皆有道性爲諸煩惱之所覆蔽不能得見猶如闇夜所見不了所謂世間文字言語或男或女車輿器宅舍城邑衣裳飲食山海林木衆生壽命是名所見聖人所有微妙之說无男无女乃至林木知所惠施供養平等知於精進知於受者因果報者真人童子知有八衆法本功德即是天尊五德所知是形如之明了善男子善女人真人童子能得如是四无礙法能隨諸法所立名字所謂真人童子凡所演說无有障礙不可動轉无所畏者難可摧伏善男子是名真人於一法中作種種名經无量劫說終不盡善

男子一切凡夫取著於色乃至著識以著色故則生貪心故為色繫縛乃至為識之所繫縛故不得免生老病死憂悲愁苦一切煩惱善男子以是因緣我為弟子因緣中說繫著者名為魔鬼纏繞其身直舉一身終不能脫若不戀著則脫魔鬼亦如世間行罪之人為官枷械无罪之人官不枷械真人童子亦得如是有為著者魔自繞身為之无者魔鬼遠之常生自在真人童子而无所著爾時海空智藏白天尊言是巨令者聲如妙鏘數數修理得種種味且亦如是從道數聞多得法味所謂法味離諸欲味得寂泊味得真道味大哀天尊譬如真金數數打時鏘銷鍊冶轉更明淨調和柔軟光色微妙其價難量然後乃為人天寶重天尊亦復如是鄭重諮問則得聞見甚深法藏令深信者受持奉修无量衆生發无上道心然後為諸人天所崇恭敬供養爾時天尊讚智藏言善哉善哉真人童子无為上智為欲利益諸衆生故諮啓上道如是深義

101 A 0083

善男子以是之故我隨汝意演說大乘智慧甚深秘密寶藏所謂極愛如一子也爾時天專復告海空智藏深得法味第一妙行功德无量如此之子歎未曾有而說偈曰

海空智藏 一切不定 假攝眾生

可不是空 實住五塵 從何得有
不得空 如此之事 亦非虛謬
非有顛倒 謂有愚累 是生邪見
若不信空 諸漏諸塵 從何而有
即隨常計 若其今有 云何得生
為是緣生 為是寄生 為是因生
為是共生 等既无生 故知非有
不可思惟 汝今得為 无極德王
无令无古 无去无來 无思无想
无憎无愛 不生不滅 降伏勞怨
顯正治邪 摧諸外道 滅一切見
名體深妙 不可定求 神用難思
无有定相 了諸法空 海空智藏
能修之子 神照深遠 知我玄妙
真實不動 得无畏力 得不思議

能知古始 是謂道紀 未解今解
道之種子 所以者何 天專智慧
不可量極 微妙之義 深遠難識
強為其相 惠行難思 應現諸法
何以能得 一切眾生 深著四邪

亂諸花色 不了不識 專行貪姪
不行四等 分別虛空 終不能得
歸根復命 住海空道 安樂其心
海空智藏 汝等當知 靜有二種
一者有靜 想念思惟 常念淨行
一乘海空 二者空靜 思念如海
常念淨行 即存守一 次以入空
得空道門 方得玄原 了究竟靜
即靜諸分 盡有歸空 亦空於靜
亦靜諸法 如是演說 理空真空
所以者何 以諸眾生 本无自澄
長起分別 致成沈浪 沉迷苦趣
是男是女 若能不生 種種邪見
了相邪空 即歸復命 得成道子
安穩其心 入海空藏 觀諸法空

海空智藏 汝及今眾 為不能曉
故須演說 今說是言 為當來世
若利法子 虛靜還源 成我弟子
既靜且常 得道常存 巖然不動
海空智藏 汝今知不 云何上道
微妙之身 不久於世 本无起動
亦无去來 以為眾生 故現生滅
真道大慈 當无棄捨 何現生滅
以為眾生 不能常住 深憐深愍
不可思議 心念眾生 如母愛子

眾生生死 故現生死 上道无親
唯是善人 勸發眾生 宜加安慰
以其軟語 令解調伏 尋道根本
莫起邪眼 莫惡惡想 絕滅一切
種種諸累 行心常淨 念不退道
知是等事 我今結戒 不宜不說
若能念行 至无上道 故現諸法
滅化之德 汝等當知 心行為身
四得成就 若男若女 執行若邪
闕競之事 殺害姦淫 種種起惡

猶如毒蛇	失真實理	尋真男女
莫生是事	得无是已	悟彼真源
非法男女	論茲生死	未近道地
福緣日遠	惡緣日臻	當行正念
必自當得	清淨解脫	无為自在
善男善女	行此事時	寬裕為心
除捨四惡	急疾憂惱	莫生誇競
起疑惑心	行大功德	作无礙心
發一切心	若男若女	源斯妙本
行此念時	念念不退	是我真子
有道之人	常行上行	不處四惡
不行邪欲	不行一切	種種邪見
不見所有	不見所无	念道求法
心發大願	作大功德	今是大眾
亦當令汝	身得高妙	真正童子
得不思議	上道徧知	幽念私普
念來眾生	行時當得	長大妙本
智慧具足	有想无想	最大智慧
真常不變	汝即今眾	不生惡疾
行此道時	上德之子	眾相具足

解了空有	解此念時	必其念道
得入妙行	自在如意	為他演說
一乘海空	祕寶寶藏	海空智藏
知此等法	无有底藏	思惟演說
其義有五	一者善行	思念一切
幽冥之處	皆得光明	无為妙相
二者善說	心意兼輒	无有彼我
三者常願	勸人發心	念求勝力
去遠惡道	行无畏力	四者至意
了斷諸惑	不生疑網	常存妙事
得法深味	終日不竭	一切眾生
皆受度脫	五者正意	結種種願
心為男女	未見未聞	悉得聞知
當得作道	行此事時	入功德海
无為會道	一心發念	无量因緣
无為之果	成道名字	无礙解脫
是名御物	三行三德	三復歸一
行解一緣	捨有為心	發无為心
冲虛若辱	不違專德	思念三寶
无時暫捨	終不悔意	與子冥扶

心行圓滿	具足成道	无復染滯
汝等當知	是大經典	流通世間
若有見聞	无量因緣	善男善女
依事修行	行四等行	心念歡喜
有行之者	正入无為	第一之子
不退因緣	一切眾生	有為之弊
煩惱之患	終日聚積	既復得已
不盡于久	煩惱之患	空喪身命
而无所得	无所得耶	有何所得
了不得耶	智藏當知	其意復七
一者智德	念念是心	行入不退
所行常靜	二者行解	思道出家
常得法味	精進堅固	三者顯利
承接眾生	令得離苦	常聞道法
四者利用	思念聖人	善多方便
饒益一切	五者智慧	真人童子
得大神力	悉從道成	六者得力
一切眾生	承道出世	得无所畏
七者德滿	神通自在	去來往返
无所罣礙	故有斯妙	用為法力

01 A8272-2

濟度來生	若善男子	能得解脫
了說言實	識法宗本	入道因緣
我所念處	所以者何	上道无底
深妙難思	不存不亡	不終不始
永存无盡	能用之行	萬物歸之
天下皆往	應用深遠	安樂道場
不可思惟	其意旨千	其玄甚深
无量底藏	善功化物	感應真實
无邊无限	示現方便	度脫生死
大乘所行	小智所用	不假不實
不无不有	无為不為	如是勝功
四用无盡	今說如是	无量因緣
道不可有	又不可無	一道智力
平等一切	若有眾生	能除疑網
煩惱根斷	是我弟子	終始道真
轉入法輪	形現並一	真為妙身
由如石花	變成金玉	既成真已
但有妙相	不見麤質	捨捨生體
別得法身	麤去妙來	而成正道
始捨故敗	更得新堅	无因无果

悉從願來

爾時天尊說是偈已一切時眾得不思議真
實上行決了真偽第一所行玄妙无極當爾
之時有百千萬億真仙道士而在座中修持
正法已成无量具足六通轉入妙真无為之
品不可思議无上正真難可譬喻上德之真
應現十方无量之形徧諸國土承接眾生未
常懈退若善男子善女人當知求道及俗所
行發種種心當得成道无上正真徧知諸法
三界无怙唯道可恃雖无形相其相甚真其
名不去是真不動太清之中是我之源說是
語時善男子一切眾生无不解了真人童子
行上道時常勸眾生莫生怨想推直於人引
曲向己无所爭競得壽命長所以者何善知
因緣諸方便故欲令眾生種種善根

爾時復有下仙道士七十三人從西方來悉
至座所其字名曰善心道士弘施道士捨愛
道士善說道士普念道士信行道士常護道
士惠明道士上相道士如是之眾不可悉記
以為眷屬共來聞說俱在座中或發善行燒

香燃燈或離父母遠遊山林或投施人或捨
妻子盡心苦行捨身智財調和音聲歌誦聖
德一乘海空讚歎演說微妙經典種種所行
盡意所為以為供養大哀天尊即於是時俱
入一乘无礙解脫得不思議常得法輪入不
退行常得法地安樂不動見海空滅心觀諸
法了解苦空无常无我常樂我淨既聞法已
各率眷屬而還本土如是眾中復有知見妙
理得法宗本三十六部真經辯了三相知見
說言得道得果得因得緣无量妙通轉神入
定了无漏智善巧方便謂是大慈入空寂定
不可思議如是眾中忽有一人即於座中說
法要言甚深之義如是大眾各各勇猛歡喜
无量有一人言是我今日能於尊所聽受解
悟即悟當來未知未見我等即時百寶莊嚴
廣大之座我於爾時心自歎言慙愧尊重所
領要言終不能盡蒙令大眾令我演教不敢
嘿然若不宜說所領之言即是秘法不尊上
說即於其時講誦尊法所行妙事亦如我等
如此眾中未聞未了皆得通解无量增益從

此發念俱獲正真金光之住仙童侍衛百千
音樂種種化導普令常住無為之果汝等今
衆及未來世總除惡行而行正觀遠惡就善
棄絕為始捨樂求道是吾種子第一上行難
思議也如是子身而不淨者變為今淨我法
知身恒不淨者令了今淨若念是事真實之
係亦非虛謬甚深行處過法緣了念念遷改
轉麤成妙捨身受身為真仙侶六根七支亦
復如是成真得道正復如此衆生四邪為魔
所亂神離形死塊入幽穿受苦萬端五苦茶
毒解脫何期冥冥長夜何由解脫如是之事
甚可怖畏思道出家遠去四邪若如是說復
能行者是生快樂不說本有但明衆生能除
五味亦復五色細滑之有情不變著常執妙
經無時暫捨恒如鐵渴須得飲食愛重經寶
如敬我身即當令汝更得解悟得无上力常
住不動無極无上輪轉成就是修道行仙之
導師大仙當說無不稽首真人現形無不稽
首童子現形無不稽首天尊現形八國恭敬
無不稽首十方聖人各各現形無不稽首仙

御童子於此現形無不稽首一切虛空權假
三界五陰無實三塗皆苦念念生滅諸法不
住不退不轉勝因王子是名為樂常行清淨
無礙解脫海空智藏復次學真道士功德累
積不可思議真實法侶一隱一顯變化虛空
隨宜出處或生法地制頂王家甚大智力得
无生乎成道名字入不退轉行入清淨五百
劫中講說經法終日竟夜論說其義終不得
盡汝等當知自此以去百千萬劫若有修者
至无為處无想无思空惠入无不起諸想從
上至下稽首道足七十二相了見道意神智
无量猶如虛空不可尋溯復次王子捨身求
道父母憐愍長其馳走莊嚴臺沼處處堅牢
莊一大戶名曰百重大法明門王子出時大
王當知終不得密王子出已處處求覓心意
迷悶四處馳走若為方法云何能得路達五
道大力鬼神正於其時因問之曰仁尊長者
我欲求道我聞諸道嚴妙甚多我今問者心
為此也何道可從

經出家為生疑網四魔亂我去失道本使我
於此我非人也我今得聞示諸善惡汝今覓
道我曾聞也无上正真但聞其名无量功德
雖无形相其相湛然无礙上法真性不動其
威廣大降伏勞怨應化无邊不可思議是道
妙力爾時王子別言而去真心正念自然了
法入道源流常得一味海空法地安穩不動
了法不空亦不空善男子海空智藏一切
諸苦不可思議我觀諸天處處遊歷見有百
姓男子女人口面膿爛血臭流出頸如布綻
腹如懸鼓身負鐵杖口中銜火大小相牽流
屎塗炭无復人形足踐鋒刀之上身負鐵杖
痛不可負毒不可忍為之悲傷復見百姓男
子女人牛頭獸身拔出其舌鐵錐刺之巨天
力士鐵杖亂拷无有限數身无人形足立刀
山痛非可忍復見男女裸身无衣吞火食炭
為火所燒頭面焦燥舉體爛壞頭戴鐵鑊足
履火山復見百姓男子女人无大无小入鑊
湯中身被煮潰百毒之汁以灌其上頭脚鑊
械身負考掠幽閉重監不覩三光身形髡截

1-4-22-10

銀鑄鍊械負山擔石往送鐵針之上食息不
 得不捨晝夜身抱銅柱太山之歡散食其肉
 於是道言其人何罪作何无道以致斯報是
 時三界飛天人言如此等輩種種罪人其人
 先身所行惡口亦舌鬪爭无所不為評論道
 德攻伐師主更相讒擊或殺害无道不念眾
 生酷虐為行心懷陰惡嫉妬勝已抑絕賢明
 作種種罪非可盡言致招今對諸苦備經萬
 劫當得還生非人之道其目如之道言可令
 此等諸苦男女聞其心目悔其善惡令得調
 伏以其較語宜安慰之念其前行令思為善
 度入法輪重以勸戒使得更生還在人中解
 行功德修吾此道以解宿冤无边罪源思行
 道行廣開法門建大功德諸行成就度入福
 門見大因緣无為之果更受滅度以致道真
 爾時天尊而復偈曰

穢慢日月光 諸惡悉如是 種種行不善
 鬼所滅身形 橋慢一切法 心不信真道
 殺傷於出家 亦復善男子 求索於飲食
 无有限端末 橫作於无道 非法而所行
 眾鬼所能疾 善神不守護 諸冤來集聚
 爭欲滅其身 不能得老朽 喻如不救花
 聲色及五味 心慮生惡著 一切信邪人
 无有念道時 唯行不善法 實不可思議
 汝等善男子 十方大地中 其處福德鄉
 等无有障難 其處福德鄉 所念无大小
 度既无量苦 如霜見毒熱 如此智慧力
 无所罣礙著 著為諸天人 八在還復一
 出入非有无 應化无边畔 无有分別心
 有一切大智 度脫於眾生 是非一切等
 不信因緣者 終劫見成敗 六根所結縛
 不知解脫緣 千人萬眾中 時頗有一人
 若有行念者 真是道種子 當發種種心
 願達過去事 未來大因緣 无量善惡子
 了解過去理 理在方便法 无量无边眾
 大道境界中 能辨无礙事 能成就諸法

了解三德意 通達諸法相 无有遺滯處
 心願樂行道 得聞无上事 眾聖說法言
 當得巧言說 六行心能進 當願得清淨
 能棄一切色 方等慈悲心 一切苦眾生
 我是窮乏人 及於五道中 忍辱一切事
 精進不穢法 思定不退轉 不生四邪意
 念念是法輪 能忍受非法 我无有怨心
 護德於世間 不欲人之欲 理容无有爭
 遠去世煩惱 藏身幽靜處 不違負心口
 行不違經戒 晝夜當行道 五食常菜中
 雜食心不味 樂心松栢園 唯念餌眾藥
 意不目邪視 種種无量苦 如此煩惱世
 來世善女子 生世作諸惡 當墮大地獄
 死趣五道中 命盡受報處 貌體抱銅柱
 身手履刀山 永循劍樹中 因復入錢湯
 饑時吞食火 頭面盡焦然 天道人道中
 无復有因緣 地獄中鐵鬼 无量諸苦惱
 永身常住中 來世男女老 不悟開度緣
 精進求勝力 亡身是道場 如是經中說
 甚深所行處 无有虛謬者 前劫今劫中

无有此言說 汝等宜敬心 必見希有事
爾時天尊說偈頌已復告海空智藏言善男
子汝及今眾如此之事无量苦惱八難交橫
種種荼毒甚可怖畏一切眾生不生道心不
發道意不行四等顛倒非意永失因緣不遇
三寶不聞法要^{十七}不聞法鼓不聞秘藏海空智
藏得此事時於未來世善流布之未見未聞
皆令解悟既解悟已入不退轉无為大衆到
長壽宮第一勝因難可譬喻
海空智藏從座而起足接道前五體投地喜
心恍惚心得虛餘我今聞說千萬劫中未有
今日一言片偈於此言中我今聞受多得解
悟須臾之間海空智藏得不思議復有无量
无边真善光相大智童子從空而來至于座
所并欲增益智藏功德第一名曰普王上行
童子三天真人上行童子太一上行童子四
等妙光上行童子善行等王上行童子五眼
通仙上行童子嚴淨月德上行童子六德普
光上行童子日光寶積上行童子花光善業
上行童子天王妙香上行童子妙斯等衆無

邊大士來至座所歡喜讚歎稽首尊足
爾時有无色界天子從下方來其字名曰皓
庭霄度國天帝王子淵通元洞國天帝王子
翰寵妙成國天帝王子秀樂禁上國天帝王
子是等輩四方天子聞是妙音而各率領國
人男女善信聽法一乘海空秘寶寶藏雖有
男女无有交接去來往返自在如意无復情
欲來至我所人身長大思聞今者希有之說
甚深之法得轉法地无礙之處解脫清淨去
來往返得合道真
爾時復有色界天子從下方來其字名曰虛
无越衡天帝王子太極濛翳天帝王子赤明
和陽天帝王子玄明恭華天帝王子曜明宗
飄天帝王子竺落皇祐天帝王子虛明堂權
天帝王子觀明端靖天帝王子玄明恭慶天
帝王子太煥極瑤天帝王子元載孔昇天帝
王子太安皇崖天帝王子顯定極風天帝王
子始黃孝芒天帝王子太皇翁重天帝王子
无思江由天帝王子上揲阮樂天帝王子无
極曇誓天帝王子如是國人及其臣子來至

我所隨時而說真上智力是國恭敬作无礙
法作大法幢不可思議聞是妙事得散香結
永斷邪慾无復煩惱不入生死千毒之中
爾時復有欲界天子亦復俱來其名字曰皇
曾天子玉完天子何童天子平育天子元明
天子摩夷天子其國人民多不具足无量苦
惱沉淪生死愛憎別離冤家惡殺不可思議
若有至心聞道所在不計遠近我今為說一
乘海空秘寶寶藏度諸國人隨緣高下次第
令悟俱不退轉悉得安樂羣臣吏民普得無
礙安樂道場今說諸法常以一味令諸世間
漸次修行皆得道果爾時天尊而復偈曰
海空智藏 道之為大 不可比量
天地四海 不足為譬 不終不始
真一妙理 不增不減 无因无學
无今无古 大道无為 淵不可測
以為衆生 常有去來 雖有去來
而无去來 不可思議 玄宗微妙
汝等眷屬 澹泊一心 思念於道
无上正真 和同苦樂 空有非空

海空智藏	无上仙人	永斷疑網
如拔毒箭	得无所畏	天尊今說
為眾分別	一切時眾	无不稽首
來世眾	莫起四邪	若男若女
捨身求道	不存有身	息除所欲
正心道場	絕滅緣想	无所從來
若行深法	則无患也	當得智慧
金剛功德	一切大眾	普行道事
得王師子	大慈譬喻	靈寶慈觀
念度无量	加蓋莊嚴	若行念已
破惡怖魔	勞怨降伏	常樂我淨
得无畏力	善男善女	如是之事
不緣生色	識是名者	不見於色
五陰清淨	故常无穢	清淨解脫
一切諸法	是因緣生	亦无二相
思念无量	无極神智	用為尊敬
解行出家	則真解脫	所謂行者
如地如山	如眼如雲	如父如母
一切諸法	亦復如是	令无傾動
是名解行	真人童子	種種演說

亦无有足	樂說无礙	无量百千
無數劫中	說辭說義	終不能盡
男女之子	千世劫中	修行世法
以修行故	如法无礙	復於无量
百千萬劫	修集論說	故得樂說
真人童子	為度眾生	故修如是
四无礙法	无礙之智	中士之人
修寂靜法	志樂獨處	若化眾生
但見神通	終日嘿然	无所演說
究竟清淨	海空智藏	智慧第一
仙卿童子	神通第一	如此之事
其亦不等	本有今无	本无今有
古今有法	是則云然	今當為汝
重敷演之	廣分別說	善男女人
現在具有	諸煩惱結	本有父母
和合之身	是故現在	无有金剛
微妙法身	我昔本有	无常无我
无樂无淨	以有无常	无我无樂
无淨諸樂	故見在无	无上道心
以不見故	无常樂淨	若有道士

若其說言	若其不說	若男若女
若人說言	天尊上道	去來自在
无常妙樂	是我淨者	无有是處
以是事故	見在不能	破壞四魔
見在无有	畢竟定空	於一切法
則有著心	若我弟子	以有鈍根
不能演說	一乘之法	本无利根
人中玉象	妙行真人	以无我根
真人等也	隨宜方便	開示三乘
一切學人	說言上道	去來見在
畢竟演說	无為是處	隨時方便
則為說之	若使眾生	不得如是
第一緣者	神尊妙道	終无有說
无所得耶		

爾時海空智藏得斯妙事心開意解悉皆了
了身得廣大七十二相八十一好无有根底
亦无有智藏甚深微妙无為上力不勝歡喜
而說偈曰
大慈愍眾生 故令我歸依 善拔眾毒箭
故稱大醫王 世醫所療治 雖差還復生

天尊所治者 畢竟不復生 天尊甘露樂
以施於眾生 眾生既服已 不生亦不死
天尊今為我 演說大智慧 眾生聞秘藏
即得不生滅 身心俱安穩 了見海空城
海空智藏說是偈已重白道言天尊今者所

說一切世間不知不覺見真人悉能知見覺
者若使真人是世間者不得說言世間不知
不知不覺如是真人能知見覺若非世間有
何異相復次善男子言真人者亦是世間亦
非世間汝言真人有異何者汝且消息我當
為汝當更演說且持須臾別說其意非是今
日究竟窮言能盡其意即告於汝當一分
別甚深道本汝當解悟等一因緣
於是海空智藏及諸眾會各禮一拜奉辭而
退

太上一乘海空智藏經卷之七

太上一乘海空智藏經卷之八

供獻品

月八

爾時天尊住大寶城為諸眾生演說法要時
有長者居在城西善信供養其字名曰善種
大王與其同類三十三人俱為世間立大橋

梁捨身棄財從座而起稽首作禮長跪瞻仰
悲感流淚頭面著地白天尊言唯願天尊及
諸道士哀受我等貧窮供養為度无量諸天
眾生大哀天尊我等今者无主无親无救无
護无歸无趣貧窮饑困欲於天尊求將來食
唯願哀受我等微供令諸一切若人非人受
我供獻即得安樂然後天尊送神无為當還
寂滅不動之地我今供養猶如諸園勤力農
作得大耕牛良田平正无諸丘墟惡蕪荒穢
荆棘毒草於是良田唯希天雨大哀天尊是
我身者亦復如是唯希一乘甘露法雨雨我
身由我今貧窮希於天尊大慈悲父唯願哀
愍除斷我等貧窮困苦拯及无量苦惱眾生
我今供養唯願大慈平等一切若人非人悉
得充足及諸天仙一切大眾得大利益安穩

常樂爾時

天尊以大慈心發種種智告善種言善哉善
哉善男子大王長者我今為汝斷除貧窮饑
渴困乏之想大慈法雨雨汝身得生法牙
汝於我所欲求壽命身心安樂才辯无量我
當施汝壽命安樂悉達无礙何以故善種長
者具淨供養平等一切如是之施果報无差
何等為平元有差別一者受已住一乘藏二
者受已當還反神寂滅之地我今受汝殷勤
供養令汝具足一乘海空秘密寶藏

爾時善種長者大王即前長跪稽首白言如
尊所說平等果報无差別想是我等輩發自
思惟是義不然何以故若有眾生前受施者
煩惱未盡未成就一切種智亦未能令眾生
具足一乘寶藏次受施者煩惱普盡已得成
就一乘海空秘密寶藏能令眾生普得具足
平等一乘常樂清淨前受施者是不淨貪煩
惱之身是生死身是无常身是餓鬼身次受
施者是智慧身是金剛身真身法身常樂之
身如是差別云何而言平等一乘果報无差